



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nidrosien. Archiepiscopo.

urn:nbn:de:hbz:466:1-20006

possit in regno Norvagiae denuo debacchari, aut persecutionem in Ecclesiis ulterius suscitare. Datum ut suprà.

*In eundem modum illastri Regi Suetiae.
In eundem modum nobili viro Comiti
Suetiae.*

NIDROSIEN. ARCHIEPISCOPO.

Examinatam tuæ fidei puritatem & fervoris constantiam, quam nec persecutio nec gladius nec famæ nec exilium diuturnum à caritate Christi separare potuit, vel dejicere à statu libertatis ecclesiasticæ conservando, quem etiam nec terror coëgit, nec minæ moverunt, nec demulserunt blanditia, nec preces nec promissiones potuerunt inducere Suero sacrilego & apostata, qui regnum Norvagiae per effusionem sanguinis & violentiam occupavit, in matris infamiam se afferens de regali progenie descendisse, vel latenter annueres, vel expressè faveres, dignis in Domino laudibus commendamus; & tanto amplius ex hoc tua fraternitatis fortitudini congaudemus, quanto in te potius persecutor exarist, sed constantia tua ejus tyrannidem superavit. Vnde cùm tibi contra tyrannum illum à tuis esset suffraganeis assistendum, nec eorum aliquis eidem excommunicato deberet præstare favorem, utpote qui Ecclesiæ & ecclesiasticos viros servituti subjicerit, opprimere pauperes; & effundere sanguinem innocentem, ferre non possumus non moleste quod Bergen. Episcopus, suffraganeus tuus, contra bonæ memoriae Celestini Papæ prædecessoris nostri mandatum, & contra tuum etiam interdictum, castra ipsius sequi non dubitat, celebrans excommunicato divina, & in ejus præsentia universa exercens ecclesiastica sacramenta: qui licet à te fuerit sapius evocatus, tuo tamen se noluit conspectui præsentare. Quia verò tanta præsumptio severiori debet animadversione puniri, fraternitati tuæ per apostolica scripta mandamus atque præcipimus quatenus Episcopum ipsum, si præmissis veritas suffragatur, ab officio beneficioque suspendas, nec prius sententiam suspensionis relaxes, quām nostro se conspectui præsentarit. Quod si forsitan sententiam tuam servare, neglexerit, eum anathematis censura percellas, & singulis diebus do-

minicis & festivis, pulsatis campanis, & candelis extinctis, excommunicatum facias publicè nunciari: ut quem timor Domini à malo non revocat, rubor saltem & poena compescant. Sciturus quod nos prædictum Suerum absolvere non proposuimus, nisi taliter satisfaceret de commissis, quod ejus esset satisfactio non irrationabiliter admittenda. Datum ut suprà.

*VERONE N. EPISCOPO
S. Romane Ecclesiæ Cardinale.*

Sicut ex tuarum & aliorum multorum accepimus continentia literarum, cùm V. Ecclesiæ de Nigrario clericus adversus Archipresbyterum & fratres ipsius plebis graves inimicitias conceperit, tu eum propter enormia facinora sua, & quia cum sceleratis & inquis hominibus conversando arma portabat Clericis interdicta, multaque alia nefaria committebat, ab officio beneficioque suspicuum excommunicationis etiam vinculo innodasti. Clericus autem ipse in concepta malitia perseverans, eundem Archipresbyterum, boni testimonij virum, sanguine generosum, amicum religionis, hospitalitatis cultorem & aliorum operum pietatis, à Veronen, civitate, ad quam profectus fuerat pro Ecclesiæ suæ negotiis peragendis, ad suam Ecclesiam redeuntem, cum complicibus suis seculari potestate bannitis, diabolo instigante, propriis manibus (sicut dicitur) interemit, & in frusta concidere non expavit. Cùmque ceteris fugientibus ipse à Potestate ac Consulibus captus, detrusus fuisset in carcerem, & propter validas probationes & indicia manifesta ferri posset in eum sententia capitalis; ad majorem facinoris evidentiā, licet quod reus esset sanguinis defuncti Archipresbyteri à populo clamaretur, ad paucorum tamen instantiam indictum est à Potestate personale duellum. Verum in tanto discrimine constitutus, & vita sue pertimescens, utpote perpetrati sceleris conscientia vulneratus, patre medio, qui pro se ac filiis pacem pro morte dicti Archipresbyteri dicuntur receperisse, mandatis consanguineorum defuncti per omnia parere promisit. Quibus pro illata injuryia octingentas libras intercedente pacto promisit pariter & persolvit. Et quoniam amici Clerici memorati apud te precibus instare

*Epif. 385.
De homicida
deponendo ab
ordine factro.*

Ff ij